

Fahrudin Gačanović (1 osoba) - policijska akcija "Bumerang"

Optužnica podignuta 15. jula 2025.

Uvod

Optužnica je podignuta za koruptivno krivično djelo u predmetu sa dokazima iz Sky aplikacije. Optuženi je za vrijeme činjénja krivičnog djela radio u svojstvu policijskog službenika Državne agencije za istrage i zaštitu-SIPA.

Ime(na) optuženog/optuženih

Fahrudin Gačanović, zvani "Fahro", rođen 1979. godine u Sarajevu, državljanin BiH.

Optužnica

Optuženom se stavlja na teret da je, kao pripadnik SIPA-e tokom 2020. i 2021. godine, koristeći jedno vrijeme i SKY aplikaciju na mobilnom telefonu stupio u kontakt sa osumnjičenima u predmetima organizovanog kriminala, te u više odvojenih slučajeva za sebe tražio i primio dar u vidu novca i drugih oblika koristi u iznosima od 500 do 1000 EURA, kako bi im navodno pružao zaštitu ili ih obavještavao o radu i aktivnostima SIPA-e i drugih agencija za provođenje zakona. Optuženi se tereti da je izvršenjem krivičnih dijela pribavio nezakonitu imovinsku korist u ukupnom iznosu od najmanje 4000 eura.

Krivična djela za koja su optuženi

Primanje nagrade ili drugog oblika koristi za trgovinu uticajem (član 219. KZ-a BiH) u vezi sa članom 54. istog Zakona.

Sudski postupak

Optužnica potvrđena: 21. jula 2025.

Presuda

S optuženim je zaključen sporazum o priznanju krivice i Sud BiH je 31. jula 2025. izrekao sljedeću kaznu.

Fahrudin Gačanović, u vrijeme počinjenja krivičnog djela zaposlen u Državnoj agenciji za istrage i zaštitu-SIPA, osuđen je na zatvorsku kaznu u trajanju od godinu dana, povrat nezakonite imovinske koristi u iznosu od 4000 eura, te zabranu obavljanja službene dužnosti u periodu od najmanje 5 godina, računajući od dana pravosnažnosti presude.

Status predmeta: Zatvoren

„Ovom objavom ne prejudicira se ishod krivionog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“